



UNIVERSITÄTS-
BIBLIOTHEK
PADERBORN

Universitätsbibliothek Paderborn

Cavssa Helvetica Orthodoxae Fidei

Murner, Thomas

Lucernae, 1528

VD16 M 7034

D. Eckivs.

urn:nbn:de:hbz:466:1-29525

CONCLUSIO SECVNDA.

D. ECKIVS.

Nos Christiani qui in possessione sumus missæ, æstimabamus doctorem quum missæ sacrificiū conatur annihilare, scripturis hoc facere deberet, & tamen nullas nouas adportauit contra missæ sacrificiū dumtaxat se fundauit supra Pauli uerba, per prædicantem Bernensem inducta. Quis aut̄ eis crederet contra claras scripturas cum eorū nouo testamento, in illa equidem, quum a post Christi ascensionem semper pro sacrificio est habita, etiam & sancti martires, qui pro Christo sanguinem suum fuderunt, missa sic usi sunt, sed & omnes diuini doctores, & oēs sancti dilecti, sicut sanctus Dionisius, Ignatius, Cyprianus, martyres sancti, Athanasius, Basilus, Chrysostomus, Ambrosius, Iheronymus, Augustinus, & in cōmuni oēs sancti doctores, sæpe atq; sæpe sacrificiū in missa cōfirmarunt. Quis iā inter uos crediturus esset sanctos patres & martyres tot centenis annis epistolā ad Heb. non intellexisse, sed potius credere debemus sanctos spiritu sancto repletos, & in Christiana sancta eorū uita nos rectū & uerū intellectū uerborū Pauli docuisse. Ideoq; & uerba Pauli contra missam inefficacia sunt, quæadmodū simplicib; libèter inculcarēt. Breuitatis causa, mihi imponit me nō declarasse, si etiā cōmunis ecclesia offerat. Respondeo uerba mea esse clara, sacerdotē ut ecclesie ministrū offerre, ibi plane intelligit me uelle cōmunē & catholicā ecclesiā offerre, quod & clare in canone reperit. Ad dictū meū Malachiæ indicat, quasi nihil uel parū ualeat, & quod ex nouo testamēto unū ei adducā, dico dñe doctor, num? & finetis uetus testamētum etiā scripturas esse, dñs tū Ihesus scripturas esse pmisit. Præceptū mihi est scripturis rem agere, dñi mei gratiosi ad nouū testamētū me nō adegerūt. Ipse aut̄ hodie si ob reuerentiā uenerabilis sacramēti in ecclesia fuisset in cōtione audiuisset missam sacerdotibus demandatā p uerba Lucae xxij. Hoc facite in meā cōmemorationē, sicut heri cōsecrare, offerre, & māducare. Contra me argumentū

T ij

COLLATIO XXXIII.

facit sine literis sacris. Qui offert necesse est ut melior sit illo quod offert, ubi hic sunt scripturæ pro primo. Secundo si uerum esset, tunc Christus in cruce se non obtulisset, non enim est melior seipso, & Abraham non melior Isaac. Etiamque si dictum eius uerum esset, necesse esset intelligi de uero offerendi magistro, sacerdos enim solus minister est. Consequenter quod non sit missæ sacrificium ut primi sacrificij representationem prodesse mortuis illius nobis scripturas adportet. Augustinus enim ante annos centum & mille ostendit totius ecclesiæ usum. Dicitur meum Malachiæ ait pro se esse, hoc mihi rarum esset negotium, per illa enim uerba & ipse admittit prophetam indicasse ut legis cessaret sacerdotium, & reuerti debeat sacerdotium Melchisedecis, hoc nos acceptamus, rogamusque ut nos tales finat sacerdotes manere, talis inquam sacerdos Christus dominus fuit, ob quam rem neque plus petimus, quam ut nos finat Christianos esse sacerdotes. Audite quid Dauid loquat Psal. cix. Iurauit dominus & non penitebit eum, tu es sacerdos in æternum secundum ordinem Melchisedec, & ex doctoris uerbis psalmistæ additis, quilibet probus Christianus facile intelliget fundamentum nostri sancti sacrificij in missa, nemo enim ostendere potest Melchisedec aliter obtulisse, quam pane & uino. Quicumque dilectus dominus noster Christus sacerdotium Melchisedec renouarit in formam ~~perfectiorem~~, ideo offert uenerabile sacramentum sub speciebus panis & uini. Quia tamen ultra Malachiã inducit tediose cap. ij. nihil contra nos est, sed magis confirmat qualiter Deus statum sacerdotalem ad seruiendum sibi delegerit, quod uero aliquos sacerdotum abusus pungit, extra continentiam est conclusionis meæ. Et quod ex omnibus uelit facere sacerdotes, nihil meam conclusionem tangit ipse, quia missæ sacrificium abnegat, contra illud scripturas inducere debet, ea tamen conditione, ne quis simplici scandalisetur. Petrus enim quando de Christianis loquitur, quod regale sint sacerdotium, internum intellexit & in spiritu, sicut & omnes Iudæi ueteris testamenti, sed præter illud oportet

CONCLUSIO SECVNDA.

oportet esse externū quoddā sacerdotiū, sicut & in ueteri lege erat, in genere Leui. Attendite pauperē bestias pascentē, qualis est sacerdos talis est & rex, quorū tamen regū multi uadunt mendicatū. Ideoq; dictū Malachia. iij. capite inductum una cum possessione, in qua est Christiana ecclesia, potenter probant sacrificiū sanctæ missæ. Quare uos probi Christiani non uos sinatis ab hoc sancto & prætioso sacrificio per nouiter intellectā doctrinā abducere ulla uia. Hoc namq; missæ sacrificiū tam est clarum & lucidū per scripturas manifestatū, sicut heri duo & hodie duo dicta induxi, quod etiam ecclesiæ aduersarij (hæreticos uolo) in plerisq; locis hoc non negant, sicut Bohemi scismatici, & qui etiā longius ab ecclesia distant Picarditæ. Si quis autē nondū ad satietatē quietaret, scripturis adhuc clari⁹ idem propheta Malachias illud ostēdit, qui inter eos ultimus fuit, & certos articulos nostræ sanctæ fidei per spiritū sanctū manifestauit ita dicēs. In abiectiōne sacrificiorū ludæorū, & acceptatione Christianorū sacrificiorū. Non est mihi (inquit) uoluntas in uobis, dicit dñs exercituū, & munus non suscipiā de manu uestra, ab ortu em̄ solis usq; ad occasum, magnū est nomen meū in gentibus, & in omni loco sacrificat, & offerri nomini meo oblatio munda, quia magnum est nomen meū in gentibus. Hoc dictū semper ecclesia cōtra ludæos induxit, pro nostro Christiano sacrificio, sicut diuus Augustinus, Alphonsus, Samuel, Paulus Burgensis, & alij ostendunt, si igit̄ hoc dictū iam ferme mille quingentis annis cōtra ludæos fuit efficax, quare inefficax esset aduersus illos qui nobiscū in sancta ecclesia fidē susceperunt. Quūq; ecclesia sit in possessione, oēsq; Christiani ante nos hoc crediderūt, & scripta hoc clare docēt, celebraritq; diuus Iacobus apostolus missam, stat mea cōclusio uerbo dei illæsa in perpetuum.

D. OECOLAMPADIUS.

Gratia & pax a dño nostro Ihesu Christo omnibus nobis concedant, Amen. Ad meam hesternā responsionem

T iij